

ШАРҚ ТИЛЛАРИ ИККИ ТИЛЛИ
ЛУҒАТЛАРИНИНГ ЛЕКСИКОГРАФИК
ТАДҚИҚОТЛАРИ

Мазкур монография “ЁА1-13 Шарқ тиллари иккى тилли лугатларининг лексикографик тадқиқотлари” лойихаси доирасида тайёрланди. Монография шарқ тиллари терминологияси, лексикологияси ҳамда шарқ тиллари лугатчилиги шаклланиши тарихига оид маълумотларни ўз ичига олади. Унда келтирилган маълумотлардан шарқ тиллари лексикологияси ва лексикографияси билан кизикувчилар фойдаланишлари мумкин.

Нашрга тайёрловчи: ф.ф.н. Д.Ахмедова

Масъул муҳаррир: ф.ф.н., доц. Х.Алимова

Такризчилар:

Профессор А.Куронбеков

Профессор Э.Умаров

*Тошкент давлат шарқшунослик институти Кенгаши томонидан
нашрга тавсия этилган (2015 йил 5 октябрдаги 2-сон
баённомаси).*

© Extremum-press, 2015

© Тошкент давлат шарқшунослик институти, 2015

МУҚАДДИМА

Лексикография (қадимги юончада λεξικόν, *lexikon* – “лугат” ва γράφω, *grapho* “ёзяпман”) – тилшуносликнинг бўлими бўлиб, лугатларни тузиш ва уларни ўрганиш каби масалалар билан шугулланади; сўзнинг семантик тузилиши, сўзларнинг хусусиятлари, уларни талкин қилишни ўрганадиган фан.

Амалий лексикография тил ўрганишни, тилни таърифлаш ва меъёрлашни, тилларо мулоқотни ҳамда тилнинг илмий тадқик қилинишини таъминлаган ҳолда, муҳим ижтимоий вазифаларни бажариб келади. Лексикография тил ҳақидаги билимларнинг бутунлай мажмуасини лугавий тақдим этишда энг макбул ва мумкин бўлган усулларни топишга ҳаракат қиласди.

Назарий лексикография лугатнинг макротузилмаси (лексиканни танлаб олиш, сўзловнинг ҳажми ва хусусияти, материалнинг жойлашиши тамойиллари)ни ва лугатнинг микротузилмаси (лугат мақоласининг тузилиши, лугавий таърифларнинг турлари, сўз ҳақидаги турли маълумотларнинг ўзаро мутаносиблиги, кўргазмали тил турлари ва х.к.)ни ишлаб чиқиш ҳамда лугатлар типологиясини яратиш ва лексикография тарихи билан боғлик бўлган муаммолар мажмуасини қамраб олади.

Лексикография сўзни унинг барча хусусиятлари мажмуасида тақдим қиласди, шунинг учун лугат нафакат тил бўйича ноёб ва ўрни босилмас кўлланма, балки илмий тадқиқотлар учун энг муҳим восита ҳисобланади. XXI асрнинг тилшунослик (лингвистик) фани лугат шаклида кўлга киритилган барча билимларни мужассам қилишга интилади, шунинг учун энг янги лугатларда нафакат сўзлар, балки турли тил бирликлари ҳам таърифлаш (тавсифлаш) обьектига айланди.

Мамлакатимиз мустақилликка эришганидан кейин, Ўзбекистон жаҳонга юз тутиб, тобора юксалиш, янгиланиш жараёнига кириб келганлиги, фан ва маданиятнинг миллат манфаати учун хизмат қилмайдиган мафкура исканжасидан қутилганлиги олимларимиз олдига ғоят муҳим ва кечикириб бўлмайдиган долзарб вазифаларни кўймокда. Истиқлол туфайли нафакат аждодларимиз меросига, балки кардош ҳалклар меросига, фаннинг замонавий муҳим муаммоларига дадилроқ ёндашибди.

замондошларимиз ижоди билан бир қаторда турли халқларнинг илм-фан ва маданияти ютуқларини теранроқ тадқик этишга ва ҳайтимизга татбик этишга, яъни жамиятимизнинг барча жабҳаларини янада ривожлантиришга имкониятлар кенгайди.

Мустақиллигимизнинг дастлабки йиллариданоқ бутун мамлакат миқёсида таълим-тарбия, илм-фан, касб-хунар ўргатиш тизимларини тубдан ислоҳ қилишга, уларнинг савиясини ошириш ва кўллаб кувватлашга нихоятда катта эътибор қаратила бошланди. Президентимиз И.А.Каримов таъкидлаганларидек, “Илгари ўзбек адабиётининг намуналарини бошқа тилларга таржима қилиш асосан учинчи тил, яъни рус тили орқали амалга оширилар эди. Бу борада қилинган катта ишларни муносиб баҳолаган ҳолда, эндиликда адабиётимизнинг энг етук асарларини бевосита она тилимиздан гарб ва шарқ тилларига таржима қилишга қаратилган ишларни кучайтиришимиз зарур”¹.

Шу ўринда ёшларга хорижий тилларни, жумладан, шарқ тилларини чуқур ўргатишга ҳам катта эътибор қаратилганини таъкидлаб ўтиш лозим. Қайси хорижий тил ўқитилмасин, шу тилни ўрганаётган талаба шу тилга оид лугатларга эҳтиёж сезади. Хорижий тил ўрганишда, албатта, икки тилли лугатлардан ташқари шу тилдаги терминологик лугатлар ҳам катта аҳамиятга эга. Тиллар бўйича лугатлар етарли бўлган ҳолдагина нафакат таржима ишларини кенг миқёсда олиб бориш, балки илм-фанни ривожлантиришга имконият яратилади. Чунки таржима лугатлари соҳалар бўйича конкрет илмий-тадқиқотлар яратишида энг зарурий манба ҳисобланади. Шу сабабли ҳам ЁА1-13 “Шарқ тиллари икки тилли лугатларининг лексикографик тадқиқотлари” лойиҳаси доирасида 2014-2015 йиллар давомида Ҳ.Мирзаҳмедова томонидан “Темир йўл терминларининг русча-ўзбекча-форсча изоҳли лугати”, С.Мустафаева томонидан “Хитойча-ўзбекча тилшунослик терминлари изоҳли лугати”, К.Эргашева томонидан “Тамилча-ўзбекча, ўзбекча-тамилча лугат”, Н.Ходжаева томонидан “Ҳиндча-ўзбекча, ўзбекча-хиндча фразеологик лугат”, Н.Исматуллаева “Хитойча-ўзбекча туризм атамалари лугати”, С.Султанхаджаева томонидан “Форсча-ўзбекча изоҳли фразеологик лугат”, А.Куронбеков томонидан

¹ Karimov I.A. Yuksak ma’naviyat – yengilmas kuch. -T., 2010. – В. 139.

Д.Ахмедова муҳаррирлиги остида “Форсча-ўзбекча, ўзбекча-форсча тилшунослик терминлари луғати”, О.Очилов томонидан “Ўзбекча-хитойча луғат”, М.Қаландаров томонидан “Классик адабиёт рамzlари ва тимсоллари луғати”, З.Қосимова томонидан “Японча-ўзбекча ижтимоий-сиёсий терминлар луғати” тайёрланди.

Мазкур лойиҳанинг якунловчи қисми сифатида тайёрланган ушбу монография шарқ тилларини ўрганиш ва тадқиқотлар олиб боришда муҳим ахамият касб этади.